

Mooissoos 'n beminde



As ons bestem is om *ouerword* nie net te oorleef nie, maar om werklik God se geskenk van lewe in elke seisoen te vier, moet ons bereid wees om ons eie *bewonderaar* te word. Ons moet rolmodelle kies wat ons bemoedig en boodskappe wat ons afkraak, ignoreer. Dis tyd om die kritiese stemme in ons binneste te smoor: “Ek’s te vet, my borste te klein, my hare te fyn...” Herinner jou aan jou *pluspunte* en jou positiewe impak op ander. Bou ’n gesonde selfbeeld deur God se *Woord* te glo oor wat egte, ewige *skoonheid* is. Die samelewing sê: ‘Jy’s nie meer jonk nie, daarom is jy nie meer begeerlik of interessant nie.’ Waarom vir dié leuen val?

Geliefde

Beplan jy jou groot dag? Stylkonsultant
Nina Brown en grimeerkunstenaar Lisa Brown
skep vier unieke pragstyle om by
uiteenlopende persoonlikhede te pas.

fotòs SAMANTHA DU TOIT



PRODUKSIE: Nina Brown en Lisa Brown; HARE Licia van der Merwe; GRIMERING Lisa Brown. www.facebook.com/Lisabrownmake-up. 079 895 6187. ASSISTENT Nadia Calitz.
ONTWERP: Blank Canvas Event Design. www.blank-canvas.co.za; FOTO'S GENEEM BY Belair. www.belair.co.za

vry onvoorspelbaar vrolik *byderwets*

Jy het my *hart* gesteel, my *beminde*
bruid, jy het my hart gesteel met een kyk van
jou *oë*, met een skakel in die ketting
om jou hals HOOGLIED 4:9

Voordat jy met die reëlins vir jou troudag begin, vra
jou allereers af: Wie is ek?
Jou antwoord is deurslaggewend vir die sukses
van jou groot dag!

Wanneer jy jou keuses maak volgens wie jy is, gaan jy
tuis voel in jou eie vel en werklik kan straal. Ontdek dus wie
God sê jy is en leer om dit prakties uit te leef.

Daar's 'n paar faktore wat saamwerk om jou unieke blou-
druk te bepaal: jou persoonlikheid, liggaamstaal, fisieke
eienskappe, gedagtes en emosies, talente en bekwaamhede.

Eers wanneer jy jousef ken en verstaan én jou uniekheid
aanvaar, kan jy rustig met die beplanning van elke aspek van
jou troudag voortgaan.

Dis belangrik dat jou menswees, styl en die kleure wat jou
komplementeer, in harmonie met mekaar is.

En onthou, elkeen van ons is uniek. Moenie bang wees
om jou hart te volg en kreatief te wees wanneer jy oor jou
mooiste dag droom nie!

Hoopgewer

Dié bruid het 'n vonkel in die oog en helder enige vertrek op
sodra sy instap. Sy is vry, onvoorspelbaar, vrolik, byderwets,
skerpsinnig.

Hare & grimering

Vir dié voorkoms is die bruid se hare ligter gekleur en in 'n
los vlegsels vasgevang. Die styl is speels en vriendelik. Haar
grimering is sag en natuurlik, met 'n helder koraalkleur wat
die lippe beklemtoon.

skerpsinnig



Staatmaker

Op haar kan jy altyd vertrou. Sy is sterk, ewewigtig en hou van struktuur. Sy is presies, afgerond, lief vir eenvoud, waagmoedig, elegant.


Hare & grimering

Dié bruid se hare is netjies in 'n stywe, byderwetse bolla bo-op die kop saamgevat. Haar grimering is treffend en klassiek, met sterk lyne wat die fokus op haar oë plaas.

Wie is dit wat soos die daeraad verskyn, so pragtig soos die *maan*, so helder soos die *son*...?

HOOGLIED 6:10

My liefste
is soos 'n fontein
wat net vir my
bedoel is



presies afgerond lief vir eenvoud *waagmoedig*





Versoener

Dié vrou het die hart van 'n vredemaker; sy is lief daarvoor om mense om haar te versamel en in harmonie te laat saamleef. Sy is subtiel, sag, sensitief, rustig, in voeling met haar omgewing en mense.

Hare & grimering

Vir haar kies ons 'n romantiese, vloeiende styl. Haar grimering is meer geskakeer vir 'n sagte voorkoms. Oogomlyner en skakerings van bruin en pers komplementeer haar oë en haar lippe vertoon sag met lipglans.



Staan op, my liefling, my mooiste, kom na my toe... My duif in die klipskeure, in die *skuilplek* teen die krans... Jou stem is *strelend*, jou gesig lieflik

HOOGLIED 2:13-14

subtiel *sag* sensitief rustig in voeling met haar

omgewing en mense



Uitblinker

Dié bruid weet wie sy is en waarvan sy hou. Sy gee nie om om aandag te trek nie. Sy is dinamies, aktief, veelsydig, energiek, gemaklik met verandering.


Hare & grimering

Vir haar kies ons 'n aardse voorkoms. Haar hare is in verskillende skakerings gekleur om tekstuur te skep en uit haar gesig gestileer om haar oë tot hul reg te laat kom. Haar grimering is eenvoudig dog treffend. 'n Klasieke lipomlyner verleen definisie aan haar lippe.

dinamies

veelsydig energiek

HOOPGEWER ROK Hendrik Vermeulen, www.hendrikvermeulen.com; MODEL Imke Agenbach, STAATMAKER Rok Kobus Dippenaar, www.kobusdippenaar.com; SKOENE Tinseltown; MODEL Antoinette Buckle; BLOMME Fleur de Cordeur, www.fleurdecordeur.co.za; KOEK Edible Art Cakes, edible-art-cakes.co.za; VERSOENER ROK Kobus Dippenaar, www.kobusdippenaar.com; SKOENE Tinseltown; MODEL Mari Conradie; BLOMME Fleur de Cordeur, www.fleurdecordeur.co.za; UITBLINKER ROK Danielle Margaux, www.daniellemargaux.co.za; MODEL Leandri de Kock; BLOMME Fleur de Cordeur, www.fleurdecordeur.co.za; DEKOR Goeters, www.baiegoeters.co.za



Jou lippe is soos skarlakenrooi lint, jou *mond* bekoor my. Die versiersels op jou *voorkop* is soos granaatpitte agter jou sluier

HOOGLIED 4:3